

Тиловат саждалари

Бисмиллахир Роҳманир Роҳийм

Аллох таолога ҳамду санолар, У Буюк Зотнинг бандаси ва росули хазрати Мухаммад, ахли байтлари ва саҳобалари ҳамда уларга яхшилик билан эргашганларга дурудду саловотлар бўлсин!

Кейин...

Куръони Каримда ўн тўртта оят бор (баъзи олимлар ўн бешта ҳам дейишган), мана шу оятлардан бирини тиловат қилган ва тинглаган киши бир марта “Сажда” қилмоғи керак. Ушбу саждани **“Тиловат саждаси”** деб аталади.

Абу Хурайра розияллоху анхудан ривоят қилинган ҳадисда Росулulloх соллаллоху алайҳи ва саллам мана бундай марҳамат қилганлар: *“Одамзод сажда оятини ўқиб, кейин сажда қилса, Шайтон бир четга чиқиб йиғлаган холда айтар экан: “О-ох, холимга вой! У (Одам) саждага буюрилди ва сажда қилди. Энди унга “Жаннат”! Мен бўлсам, саждага буюрилганимда исён қилганман менга эса, “Дўзах”!* (Ахмад, Муслим, Ибн Можалар ривоят қилишган)

Тиловат саждаларининг ҳукми

Жумхур ал-уламо ушбу саждани суннат дейишган. Магар, ханафий олимларгина унинг вожиблигини айтганлар. Уламолардан бу саждани мустахаб деганлар ҳам бор.

Имом Бухорий ривоят қиладилар: “Умар розияллоху анху жума куни минбарда туриб, “Нахл” сурасини ўқидилар, сажда оятига етиб келганларида минбардан тушиб сажда қилдилар, у кишига кўшилиб одамлар жам сажда қилишди. Келгуси жума кунида ҳам, яна “Нахл” сурасини тиловат қилдиларда, сажда оятига етиб келганларида: “Эй, одамлар! Биз саждага буюрилган эмасмиз. Бас, қимки, сажда қилса, тўғри иш қилган бўлади, қилмаган кишига эса, гуноҳ бўлмайди”— дедилар”. Яна бошқа бир лафзда: “Аллох таоло бизларга саждани фарз қилмади. Магар, хоҳласак сажда қилаверамиз”.

Ушбу ҳадисни далил қилган жумхур ал-уламо “Тиловат саждаси”ни вожиб эмас, балки, суннат дейдилар.

Ханафий мазҳаб олимларидан аллома Шох Валийюллох Дехлавий роҳимахуллох ҳам, бу саждани вожиб эмас, суннат деб айтганлар. У зот, ўзларининг машхур “Хужжатуллох ал-болига” номли китобларида мана бундай деганлар: “Росулulloх соллаллоху алайҳи ва саллам, Куръони Каримдаги сажда қилишга амр қилган ҳамда сажда қилган шахсга савоб, бош тортган кишига эса, азоб бўлишини баён қилинган оятларни тиловат қилган ва эшитган ҳар бир кишига сажда қилмокни суннат қилиб бердилар. Зеро, бу саждада “Роббул оламийн” бўлмиш Зот, Аллох таолонинг каломини улуглаш ва солих амалларга ошиқиш бордир. Аммо, Фаришталарнинг “Одам”

алайхиссаломга сажда килишларига фармон этилганини баён килгувчи оятлар бундан мустасно. Чунки, бу ўринда гап Аллох таолога сажда килиш хакида кетмоқда. Сажда килинишига далил ворид бўлган оятлар ўн бештадир.

Ушбу саждани хазрати Умар розияллоху анху минбардан туриб, вожиб эмас, балки, у мустахаб амал эканини баён килдилар. У зот розияллоху анхунинг ушбу сўзларини эшитгучилар инкор этмай, кабул килдилар”. (Хужжатуллох ал-болига 2-жуз, 36- саҳифа)

Унинг шартлари

Фукахолар жумхури тиловат саждасига ҳам, намоз каби; тахорат, киблага юзланиш, сатри аврат кабиларни шарт килганлар.

Баъзи фукахолар эса, тиловат саждасига тахорат, киблага юзланиш шарт эмас деб айтадилар. Ўшалардан бирлари Имом Шавканий мана бундай дейдилар: «Тиловат саждаларини баён килинган хадисларда сажда килувчини тахоратли бўлишини шарт килувчи далил йўқ. Гоҳида пайгамбар соллоллоху алайхи саллам билан бирга у зотнинг тиловатларига ҳозир бўлганлар ҳам сажда килишарди. Аммо улардан бирорталарини тахорат олишга буюрганлари накл килинган эмас. Шу билан бирга уларнинг ҳаммалари тахоратли бўлишлари ҳам амри маҳол. Гоҳида эса, тахорат килсалар ҳам асло пок бўлмайдиган, нажас мушриклар ҳам сажда килишарди. Пайгамбар соллоллоху алайхи ва саллам айтилиши керак бўлган ҳукми ўз вақтидан кечиктирмайдилар».

Имом Бухорий Ибн Умар розияллоху анхунинг бетахорат тиловат саждасини килганларини ривоят килганлар.

Тахоратни шарт килганлар эса, Имом Байхакий ривоят этган: “Киши факат, тахоратли бўлсагина сажда килсин!”—деган ривоятни далил киладилар. Ушбу ривоятни ҳам Фатхулборийда Хофиз Ибн Хажар саҳих деб айтганлар. Хофиз Ибн Хажар ушбу икки ривоятни ўртасини мувофиклаштириб айтадилар: “«Тахоратли бўлиш»дан катта тахоратда бўлиш (яъни, жунуб бўлмаслик) ирода килинган, Ибн Умарнинг тахоратсиз сажда килишларини эса, зарурат ҳолатига ҳамл килинган”. Ибн Хажар яна айтадилар: “Тиловат саждаларини тахоратсиз килиш жоизлигига тобиинлардан факат Шаъбийгина мувофик келганлар.

Масжиди Набавийнинг шайхларидан Абу Бакр ал-Жазоирий ўзларининг “Минхожул-муслим” номли китобларида айтадилар: “Тиловат саждасини бетахорат, киблага юзланмай адо этиш жоиз, бироқ тахоратли ҳолда, киблага юзланалиб адо этилиш мукамалроқ, ҳам, яхшироқдир”.

Хайз ёки нифосдаги аёл Куръонни ёддан тиловат килаётган пайтда сажда оятини ўқиса ёки сажда оятини бировдан эшитса, тахоратни шарт килмаганларнинг кавлларига кўра сажда килса бўлади.

Тиловат саждаларида ўкиладиган дуо

Оиша онамиз айтдилар: “Росуллох соллоллоху алайхи ва саллам Куръон саждаларида: “Сажада ваҳҳий лиллазий холақоҳу, ва шаққа самъаҳу ва

басороху бихавлиҳи ва қувватих, фатабарокаллоху ахсанул-холиқийн” (маноси: “Юзим, уни яратиб, Ўз кудрати билан унга кулок ва кўз ато этган Зотга сажда килди. Яратгувчиларнинг энг яхшиси бўлмиш, Аллох Баракотли-Буюқдир”— деб айтардилар”. (Термизий ривоятлари)

Демак тиловат учун сажда килган киши одатда саждада айтиладиган "Субхана Роббиял-Аъло"ни уч марта айтгандан кейин пайгамбаримиз айтган юкоридаги дуони айтса жуда яхши бўлади. Факат "Субхана Роббиял-Аъло"га чекланса зарари йўқ.

Тиловат саждасининг сурати

Сажда оятларидан бирини тиловат килган ва тинглаган киши тохоратли холатда, киблага юзланиб Аллоху акбар деб, бошка намозларда сажда килгани каби; пешона ва бурни ерга теккизиб сажда килади. Сажда дуосини ўкиб бўлгач, яна Аллоху акбар деб саждадан бошини кўтаради. Аксари уламоларнинг сўзлари мана шу.

Баъзи уламолар эса: “Саждага кетаётиб Аллоху акбар дейди аммо тураётганда Аллоху акбар демоги шарт эмас”—деганлар.

Танбех: Тиловат саждаларида ўриндан туриш, кулок кокиш, сано ўкиш ва сажда килиб бўлгач салом бериш каби амаллар қилинмайди!

Тиловат саждаларига доир баъзи масалалар

Битта сажда оятини бир ўтиришда, бир неча бор такрор ўқиган ва эшитган кишига бир марта сажда килмоги кифоя. Аммо бир оятни бир неча жойда алохида-алохида ўқиса ёки эшитса хар бирига алохидадан сажда килмоги керак. Шунингдек бир неча сажда оятларини бир ўтиришда ўқиса ёки эшитса ҳам, хар бир оят учун алохидадан сажда килади.

Сажда оятини (хох жаҳрий, хох маҳфий) намоз ичида ўқиш имомга ҳам, ёлғиз намоз ўқигувчига ҳам жоиздир. Шунга кўра бир киши намоз ичида сажда оятини ўқиса, ўша пайтни ўзида сажда килади. Агар имом сажда оятини ўқиган бўлса, муктадий ҳам имомга эргашган холда сажда килмоги керак. Жаҳрий намозда сажда қилишни Абу Хурайрадан Бухорий ва Муслим ривоят қилган. Маҳфий намозда пайгамбар соллаллоху алайҳи ва салламнинг сажда қилганларини Ибн Умар розияллоху анхумо орқали Хоқим ривоят қилган.

Жумхур ал-уламо: “Сажда оятини ўқилган ёки эшитилган пайтдаёқ, сажда қилиб олиш мустаҳабдир”— деганлар. Агар ўз вақтида сажда қилмаса, ўта кўп вақт ўтмаган бўлса, сажда соқит бўлмай туради. Агар орадан кўп вақт ўтиб қолса, тиловат саждаси соқит бўлади. Валлоху аълам.

Куръони Каримдаги сажда оятлари

۱- (إن الذين عند ربك لا يستكبرون عن عبادته ويسبحونه وله يسجدون)

(الأعراف/۲۰۶) (Аъроф: 206).

۲- (والله يسجد من في السموات والأرض طوعاً وكرهاً وظلالهم بالغدو والآصال).

- (الرعد/١٥) (Раъд: 15).
٣- (والله يسجد ما في السماوات وما في الأرض من دابة والملائكة وهم لا يستكبرون)
(النحل/٤٩) (Нахл: 49).
٤- (قل آمنوا به أو لا تؤمنوا إن الذين أوتوا العلم من قبله إذا يتلى عليهم يخرون للأذقان سجداً)
(الإسراء/١٠٧) (ал Исро: 107) .
٥- (إذ تتلى عليهم آيات الرحمن خروا سجداً وبكياً) (مريم/٥٨) (Марям: 58).
٦- (ألم تر أن الله يسجد له من في السماوات ومن في الأرض والشمس والقمر والنجوم
والجبال والشجر والدواب وكثير من الناس وكثير حق عليه العذاب ومن يهن الله فما له من
مكرم إن الله يفعل ما يشاء) (الحج/١٨) (Хаж: 18).
٧- (يا أيها الذين آمنوا اركعوا واسجدوا واعبدوا ربكم وافعلوا الخير لعلكم تفلحون) (الحج/٧٧)
(Хаж: 77).
٨- (وإذا قيل لهم اسجدوا للرحمن قالوا وما الرحمن أنسجد لما تأمرنا وزداهم نفوراً) .
(الفرقان/٦٠) (Фуркон:60).
٩- (ألا يسجدوا لله الذي يخرج الخبء في السماوات والأرض ويعلم ما تخفون وما تعلنون)
(النمل/٢٥) (Намл: 25).
١٠- (إنما يؤمن بآياتنا الذين إذا ذكروا بها خروا سجداً وسبحوا بحمد ربهم وهم لا يستكبرون)
(السجدة/١٥) (Сажда: 15).
١١- (وظن داود أنما فتناه فاستغفر ربه وخر راكعاً وأناب) (ص/٢٤) (Сод: 24).
١٢- (ومن آياته الليل والنهار والشمس والقمر لا تسجدوا للشمس ولا للقمر واسجدوا لله الذي
خلقهن إن كنتم إياه تعبدون) (فصلت/٣٧) (Фуссилат: 37).
١٣- (فاسجدوا لله واعبدوا) (النجم/٦٣) (Нажм: 63) .
١٤- (وإذا قرء عليهم القرآن لا يسجدون) (الانشقاق/٢١) (Иншикок: 21).
١٥- (كلا لا تطعه واسجد واقترب) (العلق/١٩) (Алак: 19) .

Мавзу [Ислом Нури](#) веб саҳифасида нашр қилинган